

罪
惟
錄

二
七



罪惟錄列傳卷之九上

抗運諸臣列傳總論

運者天也。抗運者人也。奉天惟人，協天惟人。諸戴天惟人。
 有人特起而抗之，至欲無天，而但有其在天，故不為其
 所抗。顧不能不以抗運者為非人，不能不以抗運而不勝
 者為非天之人。何者？運主數而抗之者，主理以理衡數，天
 當動變時不可無此人。或曰：三古以前，不尊節義，然蚩尤
 逐鹿之戰，致動勞鬼物，後世舉旗而使人畏，履霜而使人
 懷，阿黃帝者，能指之為賊，不能禁之，使不為神，蓋以其身
 有夫造化，要与捐頂踵，自靖者異矣。大率學見其大德，樹

有素人望所歸誠不但以一死塞責將為萬世存防維哉
 傳中致雖不同或從容而就昇俎或崩陷而敝智力或板
 胡而升或圍室以從氣凌山河白日為晦磊落光明萬世
 俱可嗟乎使孤竹二子無叩馬數語使觀兵者奪氣不過
 首陽遺瘠太史公何處以首其七十列傳哉

抗運諸臣傳

方孝孺

父克勤兄孝聞弟孝友妻鄭氏子中憲中愈二女

方孝孺字希直一字希古裔出桐廬女英處士宋初徙居浙寧海緱成里曾祖子野祖炯元鄞縣儒學教諭二子克勤克家克勤國初為濟寧知府學字考亭研究至忘寢食在官興學百區省獄與徭民受其惠禱雨涕泣祖跌雨輒應三年增戶口半永嘉侯亮祖將舟師北征水涸舟膠且大動民夫克勤哀禱大雨舟通為治急風俗任德化子三孝孺其仲也生之夕有大星墮其處幼精敏絕倫雙眸炯然日讀書積寸為文雄邁醇深鄉人呼為小韓子七歲失

母林氏哀慕如成人。十四五侍父宦遊，歷覽周公孔子廟宅，問陋巷舞雩所在，遍尋七十子遺踪，喟然曰：世無尼父，安所瞻依？曹國公文忠見之，期以國士。乙卯，父被誣，下獄。上書丞相府，願以身為軍贖父罪，不報。從宋景濂遊。景濂稱其凝重，洞釋諸理，勇以明王道，闢異端為己任。會父再坐空印事，草疏詣闕，父率扶櫬歸，服闋復從景濂入京。景濂嘗侍宴，命撰靈芝甘露頌以進，歸忘之。旦發，愕曰：死矣。孝孺曰：無庸。晚已代屬草，輒携入。上曰：此殆非學士所為。頓首以實對。上曰：良勝汝。尋以學士吳沉薦，召見，試策論立成。上改容嘆曰：異才也。賜緋袍、腰帶服之。平巾，往見東

宮宴禮部上。替使人歌所生試之。孝孺必正席乃坐。上喜其端整。顧東宮曰。此莊士。吾老其才輔汝。諭還家。景濂為文送之。有曰。予所許汝不以文。後二十餘年。當信予此言。其秋。景濂徙蜀。孝孺顯天。願損己壽益師。嘗登巾子山絕頂。縱談千古。曰。此樂蘇子瞻死後三百年所無。尋為仇家所連。逮京。上見其名。釋遣之。壬申。以薦召至。上方心在賞罰。未遑教化。曰。此非用孝孺時。除漢中府學教授。蜀獻王聞其賢。聘為世子師。尊以殊禮。召對不名。號其讀書之廬曰正學。丙子。文京府惠宗即位。召為翰林博士。陞侍講學士。預經筵。備顧問。有詩紀事。詩云。風軟彤庭尚薄寒。御爐香繞玉闌干。黃門忽報文淵

閣。天子請孝孺德望既隆。一時倚重。上每讀書有疑。輒召書。召講官。孝孺德望既隆。一時倚重。上每讀書有疑。輒召講解。臨朝群臣雜奏對。必命孝孺就案前批荅。預修太祖實錄及類要諸書。為總裁官。會改謹身殿為正心。獻銘作疑命神寶。又獻頌。皆規正君德。時上勇行周官法度。品官階勲。悉如周卿大夫士之制。而承天午門。各易以臯門。應門。皆用孝孺議也。用改官。以孝孺為文學博士。北兵起。日召詔議。詔檄皆出其手。及兵至江上。孝孺畫策。誓死社稷。勿去。金川不守。宮中自焚。乃服。斬。裹。晝。夜。哭。之。哀。鎮。撫。伍。雲。等。執。以。獻。不。屈。係。獄。王。遣。諭。再。三。終。不。變。復。召。草。禫。詔。背。共。號。聲。徹。殿。陛。上。降。榻。勞。曰。先。生。無。為。予。法。周。公。輔。成。王。

耳。曰。成王安在上。曰。彼行自焚。曰。何不立成王之子。曰。國
賴長君。何。不。立。成王之弟。王語塞。曰。此朕家事。先生無過
勞。若顧左右授筆。札曰。詔天下。非先生草不可起。大批數
字。云。云。投筆于地。罵且哭。曰。死即死。草不可得。上大怒。叱
曰。汝焉得遽死。朕當滅汝十族。以刀抉口。而至耳。遽其宗
夫及母族。林彥法等。妻族。鄭原吉等。刑孝孺前脅之。執不
從。上益怒。收朋友。門生。廖鏞等。為十族。號方黨。誅之。別有
傳。然後詔。磔孝孺于市。為建文四年九月十有一日也。錄是
大。約。係。三。楊。之。筆。云。孝。孺。叩。頭。絕。命。詞。曰。天。降。亂。離。兮。血
乞。哀。彭。韶。有。臨。江。詞。以。辯。之。絕。命。詞。曰。天。降。亂。離。兮。血
淚。交。流。以。此。狗。君。兮。抑。又。何。求。嗚。呼。哀。哉。庶。不。我。尤。時。年

四十有六。復收其妻鄭氏。與二子中憲。中愈。先自殺。二女

溺。淮水死。天台王宗元云。當時西楊欲為。二女作傳。不果。以屬石梁王度。宗族坐死者八

百七十三人。時外親之親。抄沒發衛克軍死者復千餘人。

距景濂。惜別時恰二十年矣。孝孺篤恩誼。景濂壘夔州。自

漢中走荆榛。往省墓。私居念及。或得其手跡。輒泣不止。與

林右。王紳。郭濬。劉浩。葉見泰。諸名士友善。被薦時。王叔英

與書。大率勸以時措。孝孺頷然之。及遇主。輒慕古王政。盡

欲見諸行事。以故多紛更。無成效。其文章大類蘇氏。正論

過之。嘗謂道之于事。無乎不在。為二十八歲。雜誠三十八

章。以自傲。謂化民必自正家始。作宗儀九篇。謂先王之治。

先德禮而後收刑。作深慮論十首。以募臣女主之類。雖一天下。未可為正統。作釋統三篇。四方彝裔。得一字寶千金。死後遺骨。門人廖鏞。王稔等瘞之。聚寶門外。有分携還御者。洪熙中。上諭羣臣。李彌輩皆忠臣。詔姦臣黨。並從寬典。方氏遺族。始有赦還者。一子婦魏氏。亦得歸。因即故居立祠祀之。後王稔輯遺文為侯城集。謝方石鐸與董文選。孔昭共蒐得三十卷。拾遺十卷。為文千二百首。所稱遜志齋集。孝孺所自號也。弘治中。給事中金綬。吳世忠。請表祠孝孺等。不報。台人繆恭。走京師。上六事。以言。通政司繫恭獄。待詔。乞勿罪。放恭還。萬曆初。始許築錄建祠。祠于朝。

天宮前位居徐國公下第二南都察院司務余眷蒙建顯

祠聚寶山之木末亭方氏既族惟克家子孝漫先從寧波

民奉奏減城工加賦忤旨孝漫並謫寧夏慶遠衛軍及孝

孺死逮不及軍故孝漫以軍支幸脫尋孝復子琬援例調

海門衛軍得釋為民成化十八年謝鐸謁孝孺祠琬孫志

耕出迎鐸喜方氏有後因題詩贈之有孫枝一葉是君恩

之白道區尚存或云魏澤藏孝孺幼子冒余姓葉張者乞

志魏澤下摘去黃萌三行竄入托孤一節指幼子名總之

德宗以為俞允仕勉等求命州作漫姓記二說皆偽總之

遺族故還者其實錄也兄孝聞字希學十三喪母輒藉典
禮蔬食水飲越三年居父及祖母喪每一號慟嘔出血扶

而後起。寢成羸疾。徧學五經。而邃于易。從學者甚衆。孝孺嘗曰。其所處知斯道。非特父師之教。亦吾兄之訓。語之弟。孝友。字希賢。庶母董氏出。就刑。與孝孺訣。有取義成仁一絕。士論壯之。詩曰。阿兄何必深潛。取義成仁在此弘光間。筆表柱頭十載後。旅魂依舊到家山。中。追謚孝孺文正。贈太師。禮部尚書。妻鄭氏貞慈夫人。弟孝友。翰林院待詔。

論曰。幸而生。正學清難之年。而孝孺不死。上曰。老其才。將使雍容禮樂之間耳。倘輒受事。勢必議井田。不合投劾去。即否。諸周官紛更去。新莽幾何。然則北平不起。勢亦未能成太平。獨真事君臣為萬世作則耳。種子二字。

姚禿一口道破。即奈何。仗所諮議。便欲燕山諸輩第望。
 見方袍閣中。輒下拜。引死罪也。大書數字云。即古齊
 太史兄弟弗過。燕典子漢。雖成敗。要是父子間相授。
 受而不洗。管蔡之名哉。建文遺臣題詩城眉亭。有全身
 遠害之句。陳建史論謂當畢志金川。乍啓大內。初焚之
 日。可以無十族殃。夫正學正欲大其死。使後世曉然不
 得復以家事為辭。故諸臣只自請。而正學迄殺八百七
 十三人。而不悔。諸臣致其身。正學胎其義。大小之分。未
 可同日語矣。李文遠謂正學師景濂。而忠義之氣。景濂
 不能及。誠確論也。獨方氏遺裔一節。弇州六代為作謊。

而鄭端簡以孫枝一葉之語亦並為存疑。然所謂方氏遺族四字不必正學後也。余秀洲已見弇州復姓記而吾學不存。蓋其慎。紮朱太史以志淵實謝詩謂軍籍弗連。且証其遺區。自是余疑而為俞。摘竄縣志之事敗。而正學無偽胤。國楨信筆諸可一概抹也。夫一門節義古冊不幾見。妻鄭及子女四人。燕王誠不得而殺之矣。嗟父去矜之所詒遠也。

又士得王... 諸... 重...

世不... 其... 事...

五... 學... 為... 淵...

直... 其... 其... 事...

吾... 學... 不... 亦... 蓋... 其... 身... 其... 心...

道... 教... 四... 字... 下... 以... 五... 學... 之... 余... 意... 何... 且... 余... 州... 東... 故... 語... 而...

子... 禮... 儀... 備... 以... 經... 林... 一... 葉... 上... 語... 以... 並... 為... 再... 起... 然... 而... 語... 亦... 六...

...

練子寧徐子權

練子寧名安以字行江西新淦人父僖洪武間為起居注

直言忤旨出為廣德州同知遷臨江鎮安二府通判卒官

子寧幼英邁稍長與金少保幼孜友善戲曰子若為良臣

我必為忠臣過安慶吊余忠宣廟祠有殘碑墮淚空秋草

折戟沈沙自夕陽之句十八年應策有云陛下孜孜求賢

而數用弗當者察之不詳用之太驟之過也亦徇名而不

求實之故也古之用人者必其人之足當是任而後用之

不疑今以小善而遽進之以小過而遽戮之且天下之托

生之甚難成之尤難陛下既知生之成之為難又忍以區區

小故即付之刀鋸斧鉞之地哉。策奏上善之賜及第第二授翰林院修撰。益以名節自砥。文學行誼。一時推重。歷副都御史。工部侍郎。建文初。与方孝孺並見信用。迁吏部左侍郎。以賢不進退為己任。尋改都察院為御史府。拜御史大夫。燕師起。大將軍景隆搃兵敗。衄甚。召還。子寧執景隆于朝。數其罪。請誅之上。不聽。復叩首大呼曰。壞陛下事者必此賊也。臣僚員執法不能除奸。請先伏誅以謝天下。上駭為罷朝。及燕師渡淮。靖江府長史蕭用道。衡府紀善周是修。上書論大計。詆用事者。誤國反為所詬。子寧廷叱詬者。國事至此。尚不使有口乎。已而金川不守。景隆功多。速

子寧至。語不遜。令斫其舌。上曰。吾欲效周公。輔成王子寧。手探舌血。大書地。成王安在。族誅。姻戚遠。死者百五十一人。戍邊者數百人。久之。吉水錢習禮以子寧黨。初未及逮。為鄉人所持。事聞。楊榮為白上。上曰。使子寧而在。朕固當用之。况習禮乎。胡按察使器收其遺藁。不敢發。至弘治中。郡丞王佐刻行之。曰。金川玉屑集。正德中。提學副使李夢陽建金川書院。祠子寧父子。名其堂曰浩然。子寧被逮之前。死。以血大書一練字于裙幅。令侍媵裹匿。歲子匿民間。展轉入閩。傭保。六世孫綺。為新寧陳舉。掌書記。萬曆戊戌。陳計偕道淞。與江右生同舟。前夕。生夢子寧持刺投謁。心

異之。比見書記。雅暫不群。且迹之。姓心動。叩曰。非吾里練。中丞後乎。綺不對。淚交頤。回叩之。則從衣領中出。故裙幅練字。燦然若新。生以百金贖之。陳不受。遣綺。不肯行。曰。以死殉國。人臣之恒。且九族赤矣。歸將何為。生益賢之。歸白當事。以幣聘之。授衣巾。俾奉先祠。為置廬田百畝。一時聞者。嘆息泣下。以為天道有知。多作詩記其事。子寧居塗。東山之三洲。嘉靖元年。以流賊亂。割分峽江縣。東山實隸峽塗。與峽爭立祠。詒詈。太守錢琦議。兩祀乃定。萬曆改元。詔錄諸臣苗裔。或云。子寧妻秦生。子戍所。名善慶。洪熙初。放還。後胤僅有存者。及知縣黃尚質所聘。歸六世綺。子寧。

有二傳。而子寧同鄉徐子權者，洪武乙丑進士，為刑部主事。聞子寧死，慟哭賦詩，有翹首謝京國，飛魂返故鄉之句。自經死，和光初，追贈子寧太保、都御史，謚忠貞。

論曰：練新塗案之不詳用之太駭二語，誠合時故而初策遺景隆時未聞折檻廷諍，何也？必殺景隆，伸國法，耳尚不足拉燕，而顧欲使人無口乎？廷臣無口而鄒塗有白，斲其舌四字，不模糊，即模糊可以意會也。與正學共此四字，正學已自不模糊矣。雖然，景隆死無為，開金川者，或遲燕馬首，數刻矣。正學無偽後，子寧有真後，摠是不磨子權，未嘗黨練，乃自求盡則一百五十有一人。

高翔
程濟

高翔、陝西朝邑人。洪武中，與同邑程濟並以經學徵。翔勵名節，濟好術數，交最深。互相勸不奪。翔應御史諸所論事，皆國家机要，當上心。濟相傳為岳池教諭，岳池去朝邑數千里。濟寢食朝邑，而治岳池學事不廢。建文初，翔戮力戎事，發忠義。濟先上書言某月日燕兵起，朝廷謂非所宜言，召誅之。大呼曰：「陛下即因臣，至期無兵，伏臣罪已，而兵果起，上異之，赦為編修，充軍師，護諸將北行。徐州之捷，諸將樹碑叙戰功及統軍者姓名。濟一夜往祭碑，人莫測其故。後燕王過徐，惡此碑，趣左右以鐵椎亡之。遷曰：「止。」命錄

碑姓氏。正位後按誅之。無脫者。濟姓名適樵。脫處得免。以知初。樵碑有以也。翔堂勸濟勿務此小道。濟曰。吾所習非小道。其大可以占國護君。次之可以居身備世。翔曰。不然。翔聞君子之道。自盡而已。予盡孝。臣盡忠。蒞官盡廉。戰陣盡勇。非此無所事。及北平用兵。濟又勸翔學其術。翔曰。我必為忠臣矣。金川門開。翔招濟同死。濟曰。我願為智士。時宮中火起。或曰帝急召濟問計。濟泣曰。天數已定。無可如何。有出走。貞吉耳。遂勸帝薙髮。如僧狀。扈與俱。鬼門出。每遇險阻。以術脫去。相從數十年。後莫知所終。燕王得國。初召方孝孺草詔。不与。草復召翔。上喪。服入見。大哭。語多不遜。

草必不得遂夷其族。遠戚惡成邊，所沒產給人者，特加稅。曰：令世比罵翔也。又發其先墓，雜犬馬骨焚灰揚之。而其地為馮澤國。弘光初，追贈翔太僕寺卿，謚忠愍。

論曰：翔不奪于濟，見道之大者矣。帝果出亡時，沐氏方用滇人濟誠，帷幄其間，持空名而叱鞞江漢，或亦知得一閩而胡絕不聞。或曰：濟祭碑之事不可信，竟脫其名。足矣。奈何為。按永樂三年，濟為唐府長史，曾犯夜獲罪，則實錄所云相從帝十餘載，每以術脫艱阻，後復隨至南京，皆附會也。且寢食朝邑而不廢岳池，負此殊異，何須憲、教官五斗，或略測吉凶，則有之。

卓敬

卓敬字惟恭浙江瑞安人後徙滄州七歲有相之者曰寧
兒奇乃血不華色讀書十行下性至孝嘗從寶香山夜歸
值風雨迷路得火光小院啓入一老叟者揖坐與以僧帽
謝不受求歸便與一牛騎而行抵家則黑虎也驚虎亦馴
去登洪武戊辰進士拜戶科給事中好直言或誡之曰顧
吾給何事時諸王在宮中服飾與太子無辨乘間言于上
曰朝廷視效全在宮中而今諸王與太子等威比嫡庶相
亂尊卑無序上警曰爾言是他日與同官入奏適八十一
人上命改為元士歷陞戶部侍郎建文初燕王來朝敬密

奏曰。燕王智慮絕人。酷類先帝。夫北平者強幹之地。金元所由興也。宜徙燕封江南。以絕禍本。夫萌而未動者。幾也。量時而為者。勢也。勢非至勁。莫能斷。幾非至明。莫能察。上覽奏大驚。袖入翼。日語敬曰。燕王骨肉至親。卿何得及此。對曰。楊廣隋文。非父子耶。上默然。事竟寢。燕王入國。敬慢不奉迎。王怒。收詰之。勵聲曰。若用敬言。王安得至此。且殺之。已憐其才。曲貸之。詔曰。不比敬奸臣。敬欲徙朕內地耳。繫獄。或諷以管仲魏徵事。不聽。姚廣孝以敬素不見禮。銜之。獨曰。昔吳王不殺范蠡。而蠡卒。吳王衍不殺石勒。而勒終斃。衍陛下所藉為重。全以地勢。即可使敬言得用哉。

上猶使中人諭之。堅不屈。臨刑嘆曰。變起宇親。略無絲盡。
敬死有餘罪。神色凜然。夷三族。敬有高世之才。立朝慷慨。
美丰姿。善談論。凡天文地理。律曆兵刑。皆能究察。詩文峭。
拔。磊落。能發明周子通書。邵子經世之學。宣德間。門人黃。
朝光嘗作年譜。侍講劉球為之傳。私謚曰忠貞。江陰高賓。
前知瑞安。得其像。傳于殿軸之中。副使李夢陽又作小傳。
云。朝光初。追贈太子太保。如私謚曰忠貞。
論曰。敬間言宮中服飾。所見最早。最切。徒燕南一語。其。
智計。与姚天禧相上下。用与不用之知也。廣孝于正學。
則欲生之于惟恭。則必欲死之。有用与無所用之知也。

罪情錄
試貽書燕王以肘腋大地曰孺子不造惟赫父是賴掃
境而待燕能不從耶不從罪之可也惜此書從袖中滅
耳文皇國家養士三十年惟得一卓敬服其略也微時
家貧夜婦不受僧帽受僧帽便與天禧同學矣駑虎而
不能下惜哉

高巍

高巍字不危遼州人。事母。蕭至孝。洪武中。貢入太學。以孝行。旌試前軍督府左斷事。詭壑河南。山東北平。兵後荒田。及抑末技。慎選舉。惜名器。數事上嘉納之。坐事不測。以議賢謫戍貴州。仍許其諸子代。建文初。知州王欽應詔辟巍。赴銓曹。上書論政事。其略曰。臣惟各處親王多驕逸不法。違犯朝制。不削。朝廷紀綱不立。削之。則傷親。口之思。賈誼曰。欲天下之治安。莫要于衆。建諸侯。而少其力。以臣愚見。勿為晁錯削奪之謀。而行主父偃推恩之策。秦晉燕蜀四府子弟。分王于齊。兗吳楚潭湘。齊兗吳楚潭湘。分王于秦。

晉燕蜀其餘寧遠谷代慶肅等府類比而分王之少其力
而戕其地其賢如河間東平下詔褒賞驕逸不法如淮南
濟北者初犯則容之再犯則赦之三犯而不改者當合親
王告太廟削其地而廢處之豈有不順服者其上深奇之
會北平兵已起命從李景隆衆贊軍務巍淩上書言臣願
使燕以義折之自稱國朝處士臣某上書燕國大王其詞
曰臣志慕仲連子善與人排難解紛名世不朽我太祖升
遊遺詔內外臣民同心輔政不意大王與朝廷有隙張皇
三軍抗禦六師在朝諸臣執言伏羲以順討逆操其必勝
臣以為動干戈孰若和解今使帝者漢帝王者漢王君臣

之義大明。而骨肉之親愈厚。不更善乎。昔周公聞流言。避位居東。往古盛事。大王若能收諸始謀者。檻送京師。或戮而奏聞。或請解護衛。或質所愛子孫。釋骨肉猜忌之端。塞讒賊離間之口。不與周比隆矣。不然。任事者得藉口。謂殿下假誅。左班文臣。寔欲效漢吳漢故事。冢必自毀。然後入殿之。恐有奸雄。因時乘勢。數萬突起。大王獲罪。先帝莫挽矣。今大王據北平。取密雲。下永平。釐雄縣。掩真定。易若建州。但自興兵以來。經今數月。尚不能出區區藁爾一隅之地。較以天下十五。而未有一焉。大王將士殆已疲矣。大王同心之士。大約不過三十萬。大王與我聖天子。義則君

臣親則骨肉尚生離間之疑况三十萬異姓之士可保終身困迫而死于殿下手大王信臣言上表謝罪按甲休兵朝廷寬宥再脩親好天意順而人心和不然執迷不回大喪未終毒興師旅恐与相夷叔齊泰伯仲雍求仁讓國之義為徑庭矣幸而兵勝得成後世公論謂何倘有蹉跌取譏萬世于是時也追護臣言何可得乎書再上不報景隆兵屢敗親自拔南歸建文二年五月過鐵鉉于臨邑相持慟哭共誓效死遂趨濟南守城拒退北兵飛書報捷魏与鉉宴天心水面亭作賦志喜有日至濟南而被圍思張巡之忠堅幸遇知己之鐵相更從英輩以雲聯若徐將軍之

趕○上○盛○統○兵○之○桓○上○僉○憲○高○公○之○糾○縲○大○叅○宋○公○之○周○旋○
掠○陣○張○都○統○之○能○勇○給○儲○王○太○守○之○從○權○吾○道○王○府○較○之○
論○議○斯○文○王○肯○播○之○勉○誨○衆○資○群○策○屈○力○保○全○盛○統○兵○者○
盛○庸○也○餘○不○可○考○矣○京○城○破○魏○縊○死○驛○舍○弟○宣○戍○南○海○衛○
弘○光○初○追○謚○魏○忠○毅○贈○太○常○少○卿○

論○曰○使○主○父○推○恩○之○策○行○則○燕○之○再○也○煦○與○燧○必○貳○且○
燕○必○不○從○而○內○間○由○以○啟○夫○燕○王○抗○命○天○下○無○不○知○燕○
王○抗○命○也○非○燕○之○便○矣○大○杖○則○走○元○公○輔○孺○子○之○詞○舉○
無○可○托○則○其○兵○何○以○為○名○然○後○千○戶○張○安○奉○書○亂○其○世○
子○或○亦○有○當○至○于○三○犯○告○廟○寧○居○過○厚○使○不○直○在○彼○夫○

鐵鉉高賢

鐵鉉。色目人。居鄧州。父仲名。母薛。鉉生聰敏。剛決。洪武中。入大學。通經史。除禮科給事中。遷都督府。斷事。上知其能。字之曰昂石。藩府有大獄。司官久鞫不能決。屬鉉治。立具。上益喜。令法司諸疑獄。盡屬鉉。陞山東參政。建文二年。李景隆代平鹵。大將軍。將兵五十萬。駐德州。命鉉給餉。飛輓。芻粟。軍興不乏。十月。景隆進圍北平。敗績。來年四月。師再進。復敗。鉉與參贊高巍。並轡南奔。道出臨邑。灑血同盟。以口舌鼓義。大集民丁。固守濟南。燕兵盛至。以書傳矢射城。中招降。令諸生高賢寧作周公輔成王論。以破其鮮。傳矢。

谷之堅守不即下城夜壞則逢藍幕累葦席塞破若城旋
即補築樊王堰濟水灌城城中大懼鉉計令人登陴哭求
降出千人伏地請樊王喜謂諸將曰濟南中原要會得毋
可斷南北裂地之勢成遂下令退軍受降鉉乃懸鐵版城
門潛壯士圍堵中須王入時王乘馬率勁騎奪橋而登導
者至門中望之戰遽呼千歲版下急及王馬首馬廢王
跌急舍廢馬奪從馬还走至橋伏莽行斷橋上堅不可斷
王得馳去怒麾兵力攻鉉令守陴者群噪王益怒以大
礮搗城上且破鉉浸多書高皇帝神牌懸搗處遂不復搗
隨機應變盡毀燕兵攻具開門累敗之相持者三日燕王

不得志○舍之○去○宋○參軍○說○鉉○曰○燕○兵○去○濟○而○南○其○留○守○北○
平○者○類○老○弱○且○永○平○保○定○雖○叛○諸○郡○縣○猶○堅○壁○守○臣○郭○資○
輩○書○生○不○知○兵○公○能○出○奇○疾○馳○真○定○諸○將○之○潰○逸○者○稍○上○
合○竟○取○北○平○其○間○豪傑○有○聞○義○而○起○者○便○宜○署○部○甄○召○招○
徠○之○此○走○魏○都○計○也○燕○兵○顧○家○室○心○亂○勢○必○散○歸○徐○沛○間○
素○稱○驍○健○公○檄○諸○守○臣○倡○集○義○勇○乘○勢○晝○夜○躡○之○而○公○雖○
殺○北○平○休○養○士○馬○以○逆○其○來○彼○背○腹○受○敵○大○難○旦○夕○平○耳○
鉉○以○軍○餉○盡○于○德○州○城○守○三○月○士○卒○德○而○南○將○駕○材○無○足○
恃○今○固○守○濟○南○度○北○兵○不○即○越○淮○歸○必○道○濟○邀○擊○之○以○逸○
待○勞○全○勝○計○也○乃○設○宴○天○心○水○面○亭○犒○問○辛○苦○激○發○忠○義○

詔進鉉布政使。賜金幣。誥封及三代。尋陞兵部尚書。會盛庸以平燕將軍代景隆駐德州。令鉉參贊軍事。鉉與庸躡燕王于汶上。營東昌。戰燕軍大捷。已而燕軍至滄州。徐凱被虜。復命鉉專守濟南。而盛庸帥兵往來邢博間。燕以鉉故不敢近濟南。趨東昌不利。壬午春。燕兵往由德州。取道東阿。汶上。直抵靈璧。至甯州。鉉等率兵踵其後。與平安等邀擊。大勝于小河。中原震動。燕諸將欲北還。燕王不肯。督兵渡淮。再戰。遂長驅渡江。不踰月。京師不守。鉉感憤。欲自裁。及燕王即位。尚擁殘兵駐淮南。已而擒鉉。至。肯坐庭中。不肯屈。令一仰顧。不可得。割耳。鼻。盡終。不肯顧。碎其體。

死○罵○不○絕○聲○時○年○三○十○有○七○父○母○安○置○海○南○子○福○安○年○十○
二○發○河○池○編○伍○康○安○七○歲○充匠○尋○戮○死○家○屬○發○教○坊○司○二○
女○終○不○受○辱○上○聞○憐○其○志○赦○出○之○皆○適○士○人○他○日○對○羣○臣○
言○每○稱○鉉○忠○弘○光○初○追○贈○太○保○謚○忠○襄○燕○王○既○得○國○召○高○
賢○寧○欲○官○之○賢○寧○固○辭○其○友○紀○綱○復○苦○勸○賢○寧○賢○寧○曰○子○
軍○旅○發○身○予○書○生○也○廩○食○有○年○于○義○不○可○綱○言○于○上○得○宥○
免○年○九○十○七○卒○

論○曰○鐵○鼎○石○守○有○餘○而○戰○不○足○者○予○濟○南○智○計○皆○出○鉉○
及○叅○盛○庸○軍○後○一○勝○東○昌○邢○博○往○來○羽○翼○不○展○則○何○也○
即○与○平○安○小○河○再○捷○而○大○勢○已○南○不○復○可○挽○豈○叅○預○不○

如專寄之得為乎且夫守有餘而戰不足可以難燕矣
燕王善用兵孫吳不能過廉頗為趙禦秦所恃不戰則
得如鉉數人塞真永滄德之間燕時止據三郡欲為曠
日持久之計蓋亦難矣惜廟堂書生不審攻守大分以
全加為孤注一發不收是以吾不能快其所能多一既
自累芻餉為難一敗而燕師不煩招練勢濊大古云以
將與敵以卒與敵非止傷吾之失正以虞彼之得也景
隆初敗之日何至與高不危涕泣以之而濟南圍解遂
賦詩樂天心水面之亭悲喜易形兵法所忌觀燕師白
溝夾河藁城小河四戰皆先敗而後勝盛氣不挫頃而

益堅則無如持之使燕無所鼓其氣鉉為大將盛與平
副之一如闕濟南之門燕有北竄胡耳吾甚不欲以背
面劈倅重鐵公也

男
州
秀

傳
九
子

三

景清圖

景清本耿姓以報籍訛為景陝西真寧人個儻尚大節洪武中領鄉薦遊國學同舍生有秘書固不与清觀清固請約旦日持還生果旦日來索清惡之故作不省謂初無假書事生忿訟祭酒清即持書上祭酒曰此清故所業書當即与生並誦清為徹卷不遺生睽視不能出聲既退清以書奉還生曰願子毋太珍重請歸讀之初清赴舉時宿淳化主家主家有女為妖所憑是夜妖不至清去却復來女詰之曰吾不敢見耿秀才女以告父亡追清及之清為書耿清在此四字令持歸揭于戶妖絕不至洪武二十七年

試禮部第三廷對及第七二投編脩三載改御史命署左
僉都與實俸會臺巨鄧文鑑劉觀及清奏事罷以疏字訛
懷印入刑科更疏被劾下詔獄尋宥之出川陝巡察私茶
改金華知府建文初陞北平叅議往察燕邸動靜燕王宴
之清言論明快大被賞可尋召還復為左僉都改御史大
夫金川門開宮中火起諸臣競死節而清素預兵謀且與
方黃等密善約慷慨殉國時獨遲而詣王自歸王喜曰吾
故人也仍其官委鈿侍班與燕邸故僚比有識者心疑之
會司星奏文曲星犯帝座急色赤文皇意清是日早朝清
獨衣緋入命收之得帶間所藏匕首銘清奮起嫚罵曰清

所○以○為○此○者○不○過○為○先○皇○報○仇○報○仇○不○成○死○耳○上○大○怒○數○
之○若○即○不○謂○天○子○顧○親○王○敢○爾○乎○以○其○言○不○恭○命○挾○其○齒○
且○挾○且○不○恭○頃○之○含○血○若○有○所○啓○直○前○噴○御○衣○上○既○族○之○
復○命○剥○其○皮○實○以○草○縫○之○如○人○械○長○安○門○碎○磔○其○骨○是○夜○
上○夢○清○仗○斂○逸○逼○御○座○明○晨○駕○過○所○械○草○具○乘○風○奔○五○六○
尺○為○犯○駕○狀○上○驚○乃○命○藏○于○庫○中○猶○時○見○殿○庭○為○厲○并○籍○
其○鄉○轉○相○攀○染○謂○之○瓜○蔓○抄○林○里○為○墟○時○劉○固○字○永○貞○與○
清○同○里○清○姊○適○劉○國○固○兄○也○固○以○儒○士○授○青○州○教○諭○歸○養○
燕○兵○起○固○乃○移○家○江○右○與○國○來○京○師○依○耿○燕○迫○金○川○門○國○
勸○固○出○城○固○曰○固○受○朝○廷○恩○不○可○去○乃○潛○子○超○于○王○氏○及○

城陷恐驚其母開門兀坐幸無恙已而清懷七被誅罪連
 姻亞固與兄國母表妻張子超同日受刑聚室門外超年
 十五有勇力怒斷縛奪刑人刀狙擊殺十餘人詔更凌遲
 之父之固降于乱有詩志感詩云且酌樽前酒黃花向坐
 開不須談往事鞭使野猿哀
 或問固何仙曰總入童初宮踰年復降于乱有詩一絕詩曰
 龍吟豐邑獄鬼嘯蜀王都署曰靖難罪臣劉固書弘光初
 燕客窮圖見秦官擁陛鳴署曰靖難罪臣劉固書弘光初
 追贈清太保都御史謚忠烈

論曰緋衣進刃與荆卿獻圖並柱俱屬惜皆不成而蒼
 涼報國之意千載並見智氏已滅豫讓擊衣猶足以愧
 貳心况相傳遜荒故碑無恙哉文曲不飛曹沫之劫着

嗟象○綿○不○仁○矣○天○有○新○命○星○乃○効○力○人○何○能○為○哉○奮○屍○
犯○駕○草○具○且○與○天○爭○若○曰○景○清○在○此○

一、...
 二、...
 三、...
 四、...
 五、...
 六、...
 七、...
 八、...
 九、...
 十、...
 十一、...
 十二、...
 十三、...
 十四、...
 十五、...
 十六、...
 十七、...
 十八、...
 十九、...
 二十、...
 二十一、...
 二十二、...
 二十三、...
 二十四、...
 二十五、...
 二十六、...
 二十七、...
 二十八、...
 二十九、...
 三十、...
 三十一、...
 三十二、...
 三十三、...
 三十四、...
 三十五、...
 三十六、...
 三十七、...
 三十八、...
 三十九、...
 四十、...
 四十一、...
 四十二、...
 四十三、...
 四十四、...
 四十五、...
 四十六、...
 四十七、...
 四十八、...
 四十九、...
 五十、...
 五十一、...
 五十二、...
 五十三、...
 五十四、...
 五十五、...
 五十六、...
 五十七、...
 五十八、...
 五十九、...
 六十、...
 六十一、...
 六十二、...
 六十三、...
 六十四、...
 六十五、...
 六十六、...
 六十七、...
 六十八、...
 六十九、...
 七十、...
 七十一、...
 七十二、...
 七十三、...
 七十四、...
 七十五、...
 七十六、...
 七十七、...
 七十八、...
 七十九、...
 八十、...
 八十一、...
 八十二、...
 八十三、...
 八十四、...
 八十五、...
 八十六、...
 八十七、...
 八十八、...
 八十九、...
 九十、...
 九十一、...
 九十二、...
 九十三、...
 九十四、...
 九十五、...
 九十六、...
 九十七、...
 九十八、...
 九十九、...
 一百、...

胡閏女郡

胡閏字松友，江西鄱陽人。博學修行，與吳存、何英、徐素交。講業長沙王吳芮祠中，以忠義相砥礪，不肯仕漢。嘗嘆天下誰真人，畫一松于壁，題以詩。幽人無俗懷，寫此蒼龍骨。九天風雨來，飛騰作靈物。會太祖西征漢，下饒州，逆旅見所畫松壁，召見閏，慰去。洪武四年，郡舉閏秀才，入見，上曰：所為題詩鄱陽祠壁者哉。授都督府都事，進經歷。建文中，改官制，以閏直諫為右補闕。燕兵起，叅密謀設法防禦。東昌之捷，陞大理寺少卿。燕王得國，召方孝孺草詔，繼召閏。閏孝孺成，衰經坐，哭聲徹殿陛。連閏先入，左右叱更服。閏

曰。閔死禮服不可更上。恐以九族竟不屈。語不恭甚。命力
 士鑿其齒。上盡聲不絕。上益怒。縊死之。草實其皮。懸武功
 坊。子傳慶。傳道。與其族二百十七人。皆斬西市。次子傳福。
 方六歲。發充鞍轡局。一女入功臣家。曰郡奴。親友謫成數
 百人。累以死教千人。今其故居胡橋。咸荒榛。時見光怪。有
 猿獨哀鳴。徹曉稍夜。人不敢行。嘉靖初。提李副使邵銳。祀
 之學宮。萬曆中。御史屠叔方疏請盡釋戍籍人。得免。文移
 長丈許。榜邑門。忽為旋風捲入天際。若素鷲翔迴。又有午
 迄申。後墮邑廷中。人以為異。傳福年十一。即出幼。成交趾。
 洪熙中。恩例當赦為民。以亂赦。文不通。宣德五年。取回交

趾各衛軍而傳福又類誦永靖矣七年從附近例調饒州
所無力上伸十年同邑史主事考績携北上且奏始蒙宥
得為民年六十一鰥而卒郡奴毋汪縛刑部自懷中墮奴
有卒提付功臣家奴日爨下夜抱一猫即也稍長知故事
便思以義自完髮至十輒截去不復櫛沐嘗以費墨自污
始憎無人理如是二十餘年功臣家亦棄不復顧也永樂
二十二年赦諸死事者之後郡奴得歸鄱陽依姻王嬖媼
居誓不有家年五十六而終尚處子也鄉人謚曰忠徇貞
姑附父祠弘光初追贈閩刑部尚書謚忠烈女郡奴孝貞

黃鉞 揚福

黃鉞字叔揚。直隸常熟人。少明敏。好學。貧無藏書。日從書市流覽。倚徙終日不去。主者憐其少。勿遣。時天下新定。法嚴。士往往不學仕。而詔求賢急。鉞父恐鉞以讀書為郡縣所知。數提之。兒何為自速不祥。不聽。乃令督耕葛澤陂中。則潛走交人借書觀。一覽輒記。楊漢者。元末隱士也。嘗避雨泊舟鉞舍旁。見鉞從無人處竊吟哦不休。異問之。答曰。兒不省事。得縱觀古事為樂。苦貧不能長得此樂。漢曰。盍從吾去。先人手澤可供監子樂三年。遂去。與其子福同起。慶。果三年盡其書。郡縣聞之。辟鉞賢良。及福。漢志曰。吾

不幸遭世亂。家破族散。獨携一子。避郊外。曩者憐子攻苦。乃用相餉。而奈何不自晦。卒為人知。累我福。福死矣。鉞曰。第毋慮。當為翁說。尹罷之。乃教福。結束如農夫。鉞曰。即尹有問。子但操吳音。無所對。因與詣尹。曰。鉞無所知。奉明命。而與福俱。甚善。即恐不稱詔旨。為使君憂。請辭去。時福詞訕。故作不解。尹乃罷遣福。而鉞獨上。以生員除。宜章典史。洪武二十二年。舉湖廣鄉試。明年進士。授禮科給事中。居我封駁甚多。建文中。外艱去。方孝孺往弔之。以時事密請。鉞曰。鎮江為左輔。守宜得人。指揮章俊。狡獪。不宜獨任。吾近見其奏事上前。視遠而言。遊蘇州。知府姚善。忠義激。

烈○有○國○士○風○但○仁○慈○有○餘○以○治○郡○則○良○恐○不○能○定○亂○國○家○
大○勢○不○在○江○南○戎○馬○至○此○而○後○禦○之○晚○矣○孝○孺○是○之○因○附○
書○致○善○以○忠○孝○相○勉○善○沒○與○賊○相○對○慟○哭○自○誓○必○死○無○兵○
至○江○上○善○奉○詔○搥○五○郡○兵○馬○勤○王○乃○以○書○招○賊○即○日○營○
塋○畢○詣○軍○慷慨○曰○明○知○無○益○義○不○可○諉○也○既○而○重○俊○果○以○
鎮○江○降○燕○王○既○即○位○詔○暴○善○罪○狀○急○收○之○賊○遂○絕○食○閉○
目○三○四○日○或○傳○善○款○服○已○得○宥○歸○賊○曰○豈○有○從○逆○姚○蘇○州○
哉○且○少○佚○之○善○事○定○吾○乃○引○決○以○明○善○不○欺○我○七○月○十○一○
日○報○善○伏○法○已○賊○乃○治○祭○琴○川○橋○西○向○再○拜○哭○曰○克○一○良○
信○人○吾○何○忍○背○義○獨○生○紹○家○人○歸○祭○具○從○容○整○衣○冠○奮○身○

入水死時捕善黨急縱橫郡邑中。鉞親族悉驚竄。楊福獨具棺衾晝夜泣橋側求屍不能得。更數日屍忽自立水中。容貌如生。福慟哭親抱水起。易其衣。体猶不敗。竟成礼葬。之。復吊以詩。江風夜鼓橫波。江雨朝潮濕薜蘿。九辯不滿。夢轉空梁。月影多誰謂百軍。唯奪採薇歌。手披宿艸孤踪年。臣子恨獨聞野左淚旁沱。墓在虞山北麓。即圭潔之石。弘光初追贈太常卿謚忠獻。

論曰鉞父不令鉞讀書以為自速不祥不讀書無琴川橋之赴善諾也而叔揚却以書壽与揚福同學福亦因叔揚而以書壽矣國家大勢不在江南二語讀書者解之知童俊狡獪亦易以姚蘓州為仁柔不克史亂鉞

亦諳機務。倘初令墨線從事河以北。或燕兵不即江南
北。而惜也。朝廷概以不識字者主盟。夫大儒讀書止熟
古本。而以為識字。予

王叔英 妻金氏

二女

王叔英或曰姓陳字原來浙江黃巖人也少孤從母更嫁
姓徐久而後復洪武中與楊太中葉見泰方孝孺林右並
徵至京辭還鄉二十年薦起仙居訓導歷藻陽知縣為文
禱雨與三約四日不雨減一食五日減二六日則絕食以
候神之顯戮兩輒應建文元年召入為翰林修撰時孝孺
欲大復古行井田叔英與之書有曰天下事有行于古而
可行于今者亦有行于古不可行于今者子用世貴得時
措之宜孝孺感其意而不能用尋上資治策其畧曰今天
下民生未庶從教者寡皆由富之上道未至臣聞古者田

皆在官。故什一。通乎天下。今天下田有官民之分。稅有輕重之異。民田之賦似輕。而百姓受田之籍。頗有當輕而反重。官田之賦似重。然農人輸納之苦。更甚于輸富民之租。此為賦歛未平。誠本害矣。古者兵出于農。今則兵食于農。而又多軍餘。可以裁減歸農。而不裁減。古者四民有業。今以僧道益之。而夫此其人。可使耕稼。而不耕稼。古者重農。民抑商賈。今農人一歲之積。不足以侔商賈一日之售。由是務末者恒有餘。而務本者恒不足。此三者生末衆之害也。古者天子六軍。侯國三軍。今京師兵已十萬。外郡不知其幾百萬。則兵多。徒食可知也。唐虞建官。惟百。是商倍之。

唐制七百三十員。曰：吾以待天下之賢才足矣。今內外大小官以萬計，則官多素食可知也。此二者食未寡之害也。古者用民歲不過三日，租庸調之法，歲亦不過役民二十日。今天下役民無度，四時不息，至于男丁有故後及婦人，此二者為未疾之害也。古者山林川澤與民共之，而有厲禁。今天下窮林竭澤，土地有可養之物而不能養。古者三年積一，九年積三，漢有常平，至良法也。至于隋唐亦有義倉，今皆未行。或有水旱之災，何以備之。此為民粟有可蓄之時而不能蓄。古者宮室飲食器用衣服之制，婚姻喪葬祭祀賓客之禮，貴賤各有等差。今天下富民用度僭擬

公侯。貧民爭務浮靡。婚嫁典田廬。喪奠崇齋醮。種七竭用。不可枚舉。此為民用有可省之費。而不能省。此三者。用未舒之害也。數者其大畧也。惟陛下明其為害。則聖除之。明其為利。則聖興之。富庶之效。不數年可致。上願嘉納。是時朝議削宗藩。急紛更。叔吳上疏。以為病去則宜調養。其血氣。草去則宜培養。乎根苗并論。行限田法。甚具。上不省。燕兵渡淮。叔吳奉詔出募兵。至廣德。驚聞代立。會齊泰出奔。執之曰。泰心二矣。泰吐實。遂抱持慟哭。既知事不可為。遺書祠山道士。盛希年。葬我祠山之麓。書絕命詞。載楮間。沐浴。冠帶。自經。玄廟觀栢林下。辭曰。人生穹壤間。忠孝貴克。

全嗟余事君父自省多過愆有志未及竟奇疾忽見纏嘗
念夷與齊餓死首陽巔周粟豈不佳所見良獨偏高跼蹙
難繼偶爾無足傳千秋史官筆慎勿稱希賢又題其案曰
生既父矣未有補于當時死亦徒然庶無慚于後世為壬
午六月二十七日也道士治棺殮之葬城西五里許燕王
既得國治奸黨叔英妻金死于獄女二赴井死弟原默變
姓名匿商旅中已有金寬者告捕伏法叔英有幼子請成
大同國學士楊士奇以百金與同知孟範訪得之延師教誨
迄無所成贈之金去不知所終蓋士奇徵時館漢陽村落
中叔英行部過之聞讀書聲曰兵革之後久不復聞此入

視得案頭詩文。為士奇手作。題曰。此公輔器也。遂以文字
相推重。薦士奇府學訓導云。正統中。士奇題其墓曰。嗚呼
翰林。情撰王原采之墓。為文以祭之。後人祠叔英于學宮。
謝文鐸為之贊。有武王伐紂。微子已歸。千載而下。孰敢是
非之。句。州守莆田周瑛封識其墓。編修安福鄒守益立懷
忠祠。太平知縣曾才謨亦建忠節祠。祀叔英及其妻二女。
又貞烈祠在黃淡嶽山。叔英自號靜學。即以名集。弘光初。
追贈禮部右侍郎。謚文忠。

論曰。觀原來所以勉正學者。良非迂闊不近情。顧八策
何以不一及戰守募兵廣德之日。帝若遜荒。挾至尊。以

名使人尉陀之業萬一可倖而大率從正學死社稷一
策○遂○使○文○皇○無○戰○鬪○戰○粵○戰○滇○蜀○之○勞○宮○中○自○焚○豪○傑
意○冷○海○內○有○心○人○逃○名○字○不○暇○正○學○不○講○時○宜○足○以○無
建○文○矣○遂○使○後○世○追○謚○曰○讓○夫○荆○蠻○採○藥○亦○曰○讓○太○伯
虞○仲○之○子○文○王○昌○與○燕○王○棣○之○子○惠○宗○炆○今○古○異○用○傷
哉

周是脩。名初德，以字行。江西泰和人。少孤貧。元季兵亂，奉

母避難，歷艱苦，性行坦直。其學自經史百氏，下至陰陽醫
卜，靡不通究。為文雅容爾雅。從國子學錄蕭執受詩、洪武
末，薦明經為霍丘訓導。召見，問家居何為，對曰：教人子弟
孝、弟、力、田耳。上喜，擢周府奉祠正。陞紀善。嘗從王北征，至
黑山，先是皇太孫夢有異人送藥，嘗之清苦，占云當得善
人。至是，上令是脩侍皇太孫講讀。太孫以為叶占，大見恩。
禮建文元年，周王有過，盡逮獄府中官屬，是脩以嘗諫諍，
得免。改衡府紀善。上聞其母賢，書賢母二字賜之。因言師

胡樵者賢。復書樵渚二字賜之。上又嘗檢古樂府作思美人賦一章以賜。曰求良佐也。屬是脩作賦詞。與贍美衡王未就國。留翰林修纂。性好導誘人善。人過輒隱之。薦梁潛劉叔宓等。數陳論國家大計。燕兵渡淮。與蕭用道上書。指斥用事者誤國。用事者怒。共排折之。不動。燕兵渡江。番書別友人付以後事具衣冠。入應天府。李拜先師。畢自銘其衣帶。有曰在藩國。欲不負藩國。在朝廷。欲不負朝廷。而言皆不行。豈非天耶。歸于聖人之門。庶無罪悔。因自經。尊經閣年四十有九。翰林諸臣先死者惟是脩。其緣至今子孫世寶之。祭必以陳燕王得國都御史陳瑛奏是脩不順天

命請加追戮。王曰：彼自盡其心耳。勿問。是日中書舍人臨川聶同文因迎新天子，天熱，徒步急，噎道死。先是，脩嘗約揚士奇解縉、胡廣、金幼孜、黃淮、胡儼同死國難。燕兵入，廣問家人：飼豕未？其隣人聞之，曰：胡公豈輕身不如豕哉！餘亦悉負約。後是脩子輅請士奇為父作傳，士奇內慚。語輅曰：當時余亦從若翁，即誰為若翁傳者？是修得君為最。奏對稍未俞允，輒杜門請告。帝手撫慰之。又曰：聞卿病稍愈，予為加一餐。名其居曰葆貞軒。所著有詩小序、詩集義、詩譜、論語類篇、廣衍、太極圖、綱常懿範、邇言、家訓、蕩芟集、進思集。嘗曰：忠臣不以得失為憂，故其言無不直。烈女不

以生死為慮。故其行無不果。因取先忠節遺事輯為觀感錄。朝夕省覽。蓋不負其志云。轅亦有文章。萬曆中御史饒位即死。所立祠祀之。弘光中追謚貞毅。贈正庶。

論曰。用事者誠誤國。理誤之也。尊經一經。理始不誤。豈知含理可以合天。則又怪聶同文迎新燕。道咽死勇。辭理而天不許。自是修以往。諸可肥遯。而必死。明建文為君。與見執而不得。不靖者稍殊矣。蓋有所慕而為義。與有所激而為義。未免二時哉。

命書心金燈注曰。蘇有畫真。和。平也。問吳中書。谷。吟。謝。

張銓 何廷魁崔儒秀高邦佐陳輔光段展及尤世功等十人羅一貴張神武

張銓字字衡山西沁水人父五典為某部尚書銓登萬曆

甲辰進士授保定司理以平恕稱嘗夢入西是亭祀都

御史揚繼宗副使許達者也二公起揖銓入曰方虛席以

待矣銓警而覺入為御史按浙時遼事急撫順失守銓上

方畧謂宜鎮靜固圉徐相機宜不宜妄動圖倖倖又言經

畧鎬大將如栢如楨不可用兵不可募餉不可派敵不可

啓薦熊廷弼有干城之畧未幾三路喪師論者以銓故知

兵天啓元年出按遼為監軍方抵關聞撫臣袁應泰受西

塞之降投袂起曰棄遼矣力爭不可得應泰又以罪奴配

降○鹵○銓○又○力○止○之○遼○人○感○泣○察○賀○世○賢○有○異○志○微○防○之○有○
世○賢○等○內○應○潘○陽○破○遼○陽○被○圍○急○應○表○曰○去○之○退○守○河○西○
銓○不○可○城○破○被○擁○去○入○謁○平○立○不○拜○且○就○刑○銓○延○頌○請○及○
力○訊○者○以○其○不○畏○死○扶○馬○送○還○署○向○闕○拜○五○呼○父○母○拜○四○
遂○自○縊○死○敵○噴○：○忠○臣○李○來○芳○為○棺○殮○之○建○祠○北○門○之○外○
蓋○前○而○是○亭○之○夢○驗○矣○贈○兵○部○尚○書○謚○忠○烈○祠○名○昭○忠○廕○
一○子○道○濬○錦○衣○指○揮○僉○事○妻○霍○氏○所○居○竇○莊○崇○禎○四○年○陝○
賊○趙○四○兒○躡○沁○水○攻○竇○莊○時○道○濬○與○弟○道○澤○俱○官○京○師○叢○
議○棄○堡○去○霍○語○其○少○子○道○澄○吾○棄○家○出○以○為○所○乘○則○死○野○
菁○死○不○如○死○于○室○率○僮○僕○暨○間○里○乘○堅○守○賊○環○攻○四○日○夜○

不得入。肆出天石。賊割多。遂去。時連山谷者。多被陷。殺。惟
張氏宗族獨全。冀北兵脩王肇生表其堡曰夫人城。明年
八月。賊紫金梁等以三萬衆復圍寶莊。時道濬已得罪家
居。霍復率其族人拒之。賊多死。聞秦師且至。紫金梁免。冑
呼壁下乞撫。曰我王自用也。誤從王嘉衛至此。道濬曰。急還
所俘。吾為請於撫軍。俄老猶至。亦願就約。惟八大王聞
塌天五營不受命。兩營已詣宋統。斂軍門。卒疑走去。陷溫
陽。明年三月。道濬助官軍擊賊陽城北。賊至三纏。四伏。起
敗之。擒其魁。滿天星。巡撫許昂臣獻俘。道濬功第一。而同
銓難者。為按察副使何廷魁。及道臣崔儒秀。高邦佐。餉臣

陳輔克、段展等，廷魁字汝謙，山西大同人。以萬曆辛丑進士尹涇，忤巨紳，改臨晉。歷知歸德、縛豪張國安，以銷逆變。歷西寧副使，降黎平知府，復以原官兵備遼陽。與張銓共爭受降，不納，貽書家人，吾不知死所矣。潘陽敗，東師濟河，請于經畧，乘半渡急擊，不聽。請伺其未合，悉銳禦之，復不聽。城破，懷印投井死。妻高及金，咸從之。婢僕六人，一時俱死。儒秀號傲初，河南陝州人。以萬曆戊戌進士尹掖，有威。嘗曰：官不脂羨，則大戶不重困民。官以羨佐公，則不重困大戶。以忤要人，察歸補絳，調翼城。嘗格殺大盜，入主事刑部。生事降文安令，陞戶部。歷開原兵備，時開原已失守，散

家貲。募嵩輩徒兒八百人。協守遼陽。亦共爭納降事。敗
手。乃遣帥賀世賢妻子。從容北向再拜。自經。都司廳事。邪
佐。字以通。山西襄陵人。萬曆乙未進士。知壽光。最以戶部
出守。永平。稅監高淮畏其嚴。頗賊。設險增隘。郡人德之。脩
兵天津。縛稅監馬堂。參隨。寘之法。督兵神木。套酋諸部。落
畏不犯邊。移薊州。乞養歸。會遼事孔亟。起分巡廣寧。官吏皆
經撫。不和。勢難有為。請告甫得允。而東師逼廣寧。官吏皆
遁去。或以請告之身。可以無死。邦佐曰。吾一日在事。一日
臣子也。何辭。城陷。冠帶西向再拜。以印綬自縊。僕高厚。高
永爭死。永曰。皆死。誰與奉遺書。訣太夫人者。厚遂不死。永

以書付。享仰就。綬餘。跪死。輔堯。字九室。揚州人。中戊子鄉試。知長寧。最調繁博羅。大計天下。清官。守膠州。懸州紳所贈。繭細一為公用。改知永平。督餉遼左。旋奉命印烙城破。逼降。不屈。望闕再拜。拔左右佩刀自刎。死。詔贈廷魁儒秀。皆大理寺卿。蔭一子錦衣。世百戶。預昭忠祠。邦佐初贈光祿卿。改贈大理。謚忠節。四子曦。乙未進士。六子暉。戊戌進士。輔堯。展贈按察僉事。各蔭一子。入監讀書。輔堯子夢乙。殊才。為彰德通判。苦節。而武臣死者。左世功。陳策。贈少保。左都督。世蔭祠祀。董仲揆。贈都督同知。祠祀。張名世。吳之杰。周敦吉。淩職。贈三級。附祀。戚金。鄧起龍。秦邦屏。贈都督。

僉事附祀邦屏妙秦氏加二品服色子馬麟授指揮使又
恭將羅一貴守西平東師攻城急使人招一貴一貴大呼
誰不知一貴不降好男子亦豎招降旗東師怒力攻城破
一貴自刎死贈都督同知張遊擊神武初奉命援遼以所
部至廣寧而遼陽已失時潰卒十餘萬咸西神武二百餘
騎獨東冒陳敵不意復有此戰以知之一軍盡沒獨有再
紹登十四人重創脫按臣方震孺為請卹圖神武令諸道將
出禮拜之

論曰靜鎮數語百世可無東顧而迄以好動失之由器
危事動之最也却妙于靜與孔孟無為不為之解合知

之者鮮矣。張忠烈銓子查陽為第一。是與而是而三矣。
 安得攜夫人城。嚴關外。赴。廷。魁。儒。彥。邦。佐。等。亦。分。得。是。
 字。東。顧。不。非。忠。烈。所。手。著。有。春。秋。補。傳。一。書。惜。不。傳。

(Faint bleed-through text from the reverse side of the page, including characters like 忠烈, 春, 秋, 補, 傳, 一, 書, 惜, 不, 傳.)

孫承宗 李承先曾之甲劉鹿繼善

孫承宗字維繩號愷陽北直高陽人博學強記個儻務經術為諸生便仗劍出塞下周歷亭障阨塞訪故將老兵通知邊事以萬曆甲辰進士廷試第二人授編修歷官坊局時有投擊之獄閣臣吳道南密以訊承宗承宗曰事不可深問然劉成龐保故不可不問當密啓上自裁之熹宗立累官禮部侍郎時雖迴翔館閣料審邊事每奇中外皆以將畧推之天啓二年遼撫王化貞棄廣寧與經畧熊廷弼咸走入關承宗遂以兵部尚書兼東閣大學士出經畧山海疏言便宜謂邊事之壞由兵集而不練餉耗而不

數○以○將○用○兵○而○以○文○臣○為○招○練○以○將○臨○陳○而○以○文○臣○為○指
發○以○武○為○備○邊○而○日○增○文○吏○于○幕○以○邊○任○經○撫○而○日○問○戰
守○於○朝○以○此○求○濟○不○可○得○矣○兵○之○進○精○不○可○以○事○窺○粗○不
可○以○理○解○今○大○將○果○得○其○人○即○當○以○遼○事○付○之○小○勝○小○劔
皆○所○勿○問○俾○先○嚴○閉○守○以○遏○其○衝○而○後○徐○議○出○關○以○圖○恢
復○報○聞○時○軍○前○道○監○軍○高○出○請○移○山○海○于○永○平○矣○關○以○東
不○問○而○大○司○馬○王○在○晉○行○邊○復○議○築○牆○八○里○鋪○以○守○承○宗
曰○退○守○八○里○鋪○京○師○震○驚○是○以○山○海○為○孤○注○也○請○急○守○寧
遠○所○以○守○關○門○又○言○西○鹵○必○可○用○遼○之○遺○民○必○不○可○無○以○安
集○之○關○內○之○遠○民○當○使○籍○土○著○關○外○之○遠○人○當○使○籍○卒○伍○而

閱外十三站之義民。諸不附敵者。當收置寧遠。覺華。以遼人守遼土。以遼土養遼人。此今日之大計也。請置大將。以馬世龍。佩平遼將軍印。行授鉞之禮。節制三部。罷監陣之設。更定儀注。總兵官以賓客接經撫。不服戎服。伏階下。移咨朝鮮王。瑄。激以同仇之義。亦搞毛文龍于東江。俾復四衛。而朝議急遼。弗許。遼人劉愛塔者。初為東師守金復。至是內附。會東師撤廣寧守。渡河去。撫彝道萬有年。欲挾西鹵。龍殺之。以為功。承宗不可。時魏逆漸用事。議內操。且遣中官。盡監塞上諸軍。承宗上書。極言其不便。請大築寧遠。以上官招撫主守。以客將訓練主戰。移拱免市場于興水。

堡使左輔率精騎出邏中右撫彝闌入者以掠論于是邊
軍得盡力屯牧尋南閔降彝王世忠厚餌虎首之妻虎首
喜八部皆服自是金蓋為我守加時議張為翼代間鳴泰
為閉撫復主畫閑退守之說承守力請勿設撫臣以撓戰
守不聽使祖大壽更築寧遠漫言于撫臣王象乾西鹵必不
可用款必不可恃通官與當事之說必不可憑遂自請罷
謹勿推經畧總督以一事權不聽在閔四年先後復大城九
堡四十五招練精兵十一萬立車營十二木營五火營二前
鋒後勁營八弓弩火炮手五萬輕車千輛偏廂車千五百輜
沙虎船六百馬駝牛驢五萬甲冑器械弓矢火藥藺后渠

答鹵楮合數百餘萬。闢兵地四百里。招集遼人四十餘萬。遼兵三萬。屯田五千頃。得粟十五萬。塩筴錢稅朋楮入可七萬。採青省十八萬。獲零級至一千八百五十有奇。故事積級二百五十。准一大捷。承宗勿叙也。論功加太子太師。與諸閭臣皆世錦祿十戶。而魏遂冒世襲都指揮使。加恩三等。嗣撫臣鳳翼恨承宗有遼撫居遼之說。極論馬世龍之罪以撓之。承宗接逆魏所遣中官劉應坤頗倨。忠賢怒。會承宗遵詔巡通州。疏請面陳軍中機密。時西魏暱勇務翻局。南樂廣微危言忠賢。此必不利君側。忠賢惧。半夜開宮門。出校尉八人。飛騎迫脅職方方孔昭。速語孫閣部十

三日午時回閔職方免究。而是時李左都邦華、繆春坊、呂期、同日投閔矣。崔呈秀首上逆魏功德，并誣劾承宗、孔妣大言爭之。請留春坊，以需後議。而魏黨徐大化、李蕃守復連章劾承宗失事。吏部尚書崔景榮獨訟言承宗無罪。詎趣視事。會馬世龍襲東師于輝州，墮其仗，戰不利。哨將李承先戰死。魯之甲投河死。于是臺諫交章承宗、承宗歸里。兵部尚書高第出代經畧。復申守閔之議。承宗即家中上書駁之。不聽。盡撤閔外兵。號聲震京野。而道臣袁崇煥獨不聽。撤亡何。遂有崇禎己巳之警。薊門危。倉猝起承宗。願援兵保通州。復填危閔。京師被圍。遼督崇煥以大帥祖大

壽入援承宗。以遣遊擊尤岱將兵三千內衛。或言崇煥扶
東師為構。承宗屬聲。我受命禦敵。不受命撫敵。集文武將
吏誓之。復遣劉國柱將防漕軍三千。與密雲及保鎮兵各
三千。防門上出馬世龍于獄。與滿桂將兵。頗有斬馘。敵却。
逮崇煥于獄。大壽以萬五千人。東走。承宗使飛騎追之。
與誓涕泣。時滿桂戰死。而世龍代為大將軍。降將劉興祚
戰勝兩仄。口中流矢卒。承平失守。遷安。涿州。建昌。敗。問交
至。東師攻撫寧不克。相持紅花店。六晝夜。東師挾大壽請
講。承宗燬其旗。及書軍前。而大壽乃斬來使。絕講。已大捷。
雙堡。幽門。六城皆復。戍開平。復建昌而守之。初東師連戰。

或曰承宗

不○甚○利○承○宗○聲○以○大○師○出○搗○金○蓋○遼○潘○敵○頗○東○顧○設○三○伏○
 大○捷○東○城○已○克○深○州○世○龍○中○數○夫○不○退○東○師○從○冷○水○口○出○
 而○求○平○遵○化○亦○復○再○勝○遼○州○獲○叛○人○馬○思○恭○等○十○一○人○論○
 功○加○承○宗○太○傅○廕○一○子○世○錦○衣○指○揮○僉○事○疏○辭○太○傅○是○役○
 也○東○首○頗○為○向○導○承○宗○奉○命○討○之○斬○首○二○千○餘○級○俘○獲○無○
 算○廷○臣○欲○追○論○大○壽○東○潰○事○承○宗○密○奏○止○之○時○梁○廷○棟○為○
 樞○部○以○世○龍○不○受○中○制○令○所○善○部○即○丘○嘉○禾○監○其○軍○詎○世○
 龍○坐○視○三○屯○不○救○承○宗○爭○之○廷○棟○益○不○悅○故○起○拜○嘉○禾○為○
 遼○撫○而○孫○元○化○為○登○撫○以○撓○經○畧○會○錦○州○被○圍○嘉○禾○乞○救○
 迫○承○宗○分○遣○諸○將○力○援○之○東○師○墮○大○凌○毀○雙○堡○去○錦○圍○以○

解○廕○一○子○尚○寶○司○丞○火○之○廷○棟○以○嘉○木○議○力○主○築○凌○河○以
圖○進○取○詔○大○壽○以○兵○四○千○董○其○事○以○班○軍○萬○四○千○供○版○築
而○石○砧○兵○一○萬○護○之○嘉○木○親○往○相○度○與○大○壽○却○大○壽○抗○章
摘○其○貪○穢○會○廷○棟○罷○去○廷○議○益○謂○築○凌○非○是○嘉○木○計○盡○撤
防○兵○一○幸○凌○工○竣○可○以○塞○眾○議○坐○賞○奉○宗○曰○為○今○之○計○不○撤
兵○敵○至○則○戰○上○策○也○即○奉○詔○撤○兵○據○現○糧○以○守○中○策○也○撤
兵○并○罷○轉○餉○委○空○城○以○餌○敵○下○策○矣○今○出○于○無○策○可○乎○嘉
木○不○聽○已○而○凌○城○被○圍○十○餘○日○大○壽○與○總○兵○何○可○綱○竭○力○堵
守○嘉○木○督○諸○鎮○宋○偉○吳○襄○等○救○凌○遇○敵○長○山○襄○却○先○亂○官
兵○大○敗○監○軍○張○春○被○執○矯○不○從○東○制○東○師○勤○為○上○書○請○款○

嘉禾密以聞。承宗恚曰：春有鬚眉，獨不聞其妻翟氏。六日不食而自經。乎春愧其妻，嘉禾智出婦人下矣。朝議感承宗持之益堅。時凌城食盡，何可綱語大壽公不出戰，無以慰孫公。我不死，無以報孫公。為父自祭，引絕。大壽率二十七人奔安城東，歸盟而返。會錦人高德元等三人自敵中間歸。承宗令從大壽弟大弼夜劫東師白雲山之營。東師退，承宗請罷。號十七上，得許已而議長山之敗。坐承宗矯詔復城進兵，削世廕，罷其官。承宗上言：陛下即坐臣敗軍失律之罪，不宜歸罪。復城進兵，以灰天下，慨復土。字鼓勇。殺敵之心。九年，東師再入，掠定興，鄉紳鹿善維死之。承宗

賦詩六十章哭之繼破安州距高陽四十里聞承守守高
陽有法引去戊寅東師復大入逼掠畿南攻高陽承守署
子姓分雉堞嚴守十一月力竭城破承守坐北樓叱衆家
丁速去我死此東師擁去以其知兵欲降之上坐稱宰相
承宗曰城亡與亡無多言或又曰何不以金贖死承宗曰
抑知本朝有無錢宰相乎布幕席望闕三頰首引率子絃
自縊死既絕東師相顧嘆息去年七十有六詔復原官予
祭塋子五鈐鄉薦尚寶丞鑰諸生鎗錦鎬恩廕中書一官
生二孫五之沆之滂之景之浩之憲兄子二鍊鏘從孫六
之澈之漢之泳之澤之渙之翰皆力戰死承宗後贈太傅

謚文忠

鹿繼善字伯順號乾藏北直定興人祖父徵名御史父正讀書嚴重縣令宋繼登延見之投畚鍤往繼善薦曆丙辰進士歷戶部主事以擅留金花鹿遠餉奪一官泰昌中授其官尋自請從承宗贊畫開幕承宗倚為左右手歷武選郎中承宗罷亦告歸崇禎初起尚室所陞太常少卿管光祿寺丞事九年七月東師圍定興急繼善方郊居以定興神京外障必守無失遂入城督禦令子鄉薦化麟留侍其父而身登陴七日力竭城破矢貫其顙而死贈大理寺卿謚忠節賜祠曰忠烈

論曰。明知遼經撫不和。生敗。乃必設撫。以挽經權。謂何
初。幸魏逆。方倚武功。填爵任專。勇接濟。寔非度內。高陽
而高陽功見一事。權保遼三字。經也。及黨事起。廷無知
兵。所謂以遼事付之。小勝小衄。不問古閫外。体而卒濡
忍。不能割。再任。關門已百難。往昔而長山之敗。本于撫
嘉禾之撤防。兵是猶事。權不一之故矣。專制故勢行。與
一較爭。蹂一較已耳。卒與鹿足。興力固京師。外障皆無
所命。而自與城俱。嗟哉。

盧象昇弟象現葛麟
陳安蔣思宸

盧象昇字建斗、號九台、南直宜興人、先世涿郡、自漢尚書
植顯名、唐為范陽剋族、宋始南渡、祖立志、令太康、知名、父
國彛、諸生、母李、未笄時、墮智井、恍惚聞井中、或云尚書母
夫人至、好護之、象昇生而白皙、矐似不勝、而膊獨骨、負殊
力、每讀史、至張巡、岳飛事、則為起舞、咨嗟曰、獨而丈夫哉
舉天啓壬戌進士、主事、戶部、司餉、清涼、嘗冬出、道逢黃衫
老父、躡雪行、無跡、拜馬首、曰、明公、撐劍骨、出三十、當功
名、疆場、惜劍室、稍露、慎之、出知大名府、能、加銜、副使、崇禎
二年、京師戒嚴、募鄉勇、勤王、上召見、勞苦之、尋、加按察使、

天雄兵備。流賊入邢。象昇遇賊。摩天嶺。賊蝎子塊善射箭。逼象昇眉。驚曰。盧公似有三眼。不可犯也。去攻滑。象昇設伏。大敗之。斬首數千級。七年。擢右僉都御史。出撫鄖陽。上書勦賊。必先撫民。與督臣陳奇瑜分道夾擊。自烏林關屯家溝。石泉壩。康家坪。獅子山。及太平河。竹木砭。箐口。諸捷前後斬級五千六百有奇。請益鄖陽主兵。并減歲賦。繕城郭。及貸隣郡倉穀三事。上皆可行。會奇瑜所受降秦寇復叛。象昇遣將李玉華解商州之圍。追擊胡梯岔。不甚利。副將楊正芳等戰賊雒南。斬級五百餘。殺賊首飛天虎。卒以力竭敗沒。象昇乃上疏曰。今日事勢未易使賊化為民先。

使民不為賊未易使賊盡殲於兵先使兵不走去為賊若
果兵自兵民自民賊自賊而賊可盡矣如近者秦中之寇
大率逃卒飢民歷來斬馘累千萬究之所殺者百姓賊故
在也臣請設為主寨之法因高設險丁壯聚居統以團保
練長可使民得為民海設為併村之法小村之不克寨者
附于大寨可使無一民棄為賊迺又設為清野之法民資
勿散貯以粒兵復不併貯以艷賊彼不得略勢不久瀾可
使賊不見兵穴不見民而自去為賊又設為潛伏火器之
法以竹木代銃砲竅地伺隘可使賊中疑不敢輕蹈害民
八年加兵部右侍郎兼總理江北河南山東四川山陝軍

務、与總督洪承疇、南北合勤、小提青泥灣、上令釋巡撫、專任總理、賜尚方劍、得便宜行、上平寇四事、曰、籌餉、曰、用人、曰、任將、曰、設險、時諸將蹇不奉命、尾賊而篋民、割良為功、自川兵叛、殺鄧玘、諸將且揚、卒不敢言戰、象昇以義鼓衆、与大帥左良玉、祖寬、揚世恩等、洒誓奮踣、德、黃、羅、信、及承、襄、南陽、汝、維之間、頗有斬獲、賊竄滁、和、象昇設兩伏、英、霍待之、賊陷伏、大敗、弭曰、毋當盧拚命云、獲賊首、搃天、動、斬級一千六百、援承天、都司鍾鳴將戰死、會擊斬賊過當、時別賊陷光州、南城、南御史露章劾之、上不問、戰裕之、七、頂山、斬賊首三百餘級、賊潰杏花山、象昇遣祖大樂、趨新野、

祖寬趨光化而身與陳永福趨鄧賊沮退逼江漢而楚鄭
二撫無一騎會擊者賊遂從羊皮灘遁去九年東師入古
北口破昌平逼京師率兵入衛以左侍郎改總督宣大山
西軍務請陛見不許拉任卜失免款塞受之因巡視迺居
庸密陳請取開平宿重兵中外皆笑其迂莫能行也尋議
屯政上為可行不二年三鎮軍屯歲得穀十萬石弛出塞
樵牧之禁嘗出不意躬閱諸堡斬離伍把總費自強以狗
時塞外諸種類皆東附獨哈卜二酋內屬請開馬市舉朝
恐墮其計象昇獨以哈能抗東師願利市而東師素輕卜
卜以其先俺答四十年恭順不欲背德竊慶豐難款之無

事資其耳目。有事藉其聲援。且宣鎮頻年中。未聞哈為之導。幸勿絕。哈自斫左臂。帝然之。十一年。東師謀西掠。哈馬不得。佯令西鹵乞炭。台吉以數百騎壓張家口。求市而分兵攻西平。得勝。象昇先得寧錦密報。身駐右衛。遣別將駐懷安。嚴陣以待。東師至。講款。象昇上言。撫西不撫東。講市不講賞。時詞臣黃道周亦力言不可。歛者五。東師退。遣人持書投象昇。象昇曰。詐也。東師不得志。秋必再舉。宜嚴防之。屬明教卜部以耳目。皆如約。艱歸。詔以吳何衡代。而東師果大舉。分四道入。詔奪情。以兵部尚書加太子少保。提督諸路兵。授勦。入對曰。臣有戰而已。慎毋中樞掣肘。臣

中樞楊嗣昌也。方以墨線為東林所毒擯，與象昇益却無不中制。象昇出都門，大呼文弱，吾與若皆以奪情，身不孝。莫解，只辨忠字，勿忘誓師昌平，連戰順義，頗有斬獲。時東師已破京東城邑，勢甚張，轉至京西，以一營綴象昇，別趨蘆溝橋，至良涿而南，分二道，一西入真定，一南下河間。會太監高起潛以關寧之衆入援，詔與象昇合營。起潛與象昇議不合，迺請分疆畫守。象昇營西路，以宣大山、西兵屬之，不滿二萬，而河間、真定等府俱不守。上切責象昇，落尚書，以待郎督師。編脩楊廷麟請以軍事專委象昇，毋中制。遂改廷麟兵部主事，贊畫軍中。士飢，廷麟為乞糧，真定不

得象昇誓死。晨出帳四面拜曰：吾與將士同受國恩，患不得死，不患不得生。衆皆泣，莫能仰視。遂進至鉅鹿南十里。賈莊逆擊射敵一騎，頗創敵。明日，敵大至，總兵虎大威戰不利。象昇大呼，率後騎繼之，手擊殺十餘人，身中四矢。二刀馬蹶死。樞部嗣昌猶以象昇不死，有詔按臣驗視。監軍廷麟曰：象衣麻者在也。有俞貂鼠者，百口象昇死。嗣昌杖殺之。象昇為大名時，始習騎射，撫楚時，賊入南漳，敗沙河。水濶五六丈，奮精一躍即過，乃五明驥也。所諫十驥之一。嘗言功成築湄隱園以老，竟不遂其志。得年三十有九。弟象觀，字幼哲，崇禎壬午解首，癸未成進士，方象昇戰歿。

或云偽訃象觀上書陳前狀得贈戶部尚書謚忠烈廢一
子象觀英畧稍視其兄而文藻過之弘光時授中書舍人
奉詔徽寧南都敗起兵茗嶺迫其妻妾咸盡無內顧妻先
死妻且死嫂止之而兄象昇故校陳安揚國柱等習行陳
工騎射以為先鋒攻且與不利象觀為流矢所中貫頤落
門牙二尋復戰敗茗嶺安死乃走合將軍黃蜚太湖而
蜚戰吳淞敗沒象觀復與鄉賢書葛麟收潰卒從通城王
盛邀一再克湖州復敗績象觀與麟咸水死麟字蒼公卅
陽人与象觀壬午同年也象觀弟象晉諸生傲不雉髮為
仇者所持披逮高冠深衣長揖謾罵如風者訊者嘉其兄

義故曰。知晉不敢抗留髮。當是雍後復生。晉大言曰。此髮故自明種得。當事必欲生之。令強雍其髮。入見為己其事。蔣思宸字冲紫。南直宜興人。崇禎癸酉鄉薦。與盧勿哲共事太湖北抗。不利。走山東。聯絡白馬黨。欲以萬人起。復不就。與楊崑竒善。壬辰就北會試。受吳江教諭。欲因此句太湖故旅復起。未至任而崑敗死之。

論曰。九台料邊主戰。料賊亦戰。有曰。勦賊必先撫民。又曰。撫而不撫。東講市不講賞。中邊大計了。非純恃一往者。與內監高起潛不協。不得已用薛案之策。分疆畫守。卒以士餽。又勢促于起潛。北門大鑰。邊以四矢二

刃了之惜哉。時與本兵楊嗣昌不協。嗣昌與九台俱
奪情。九台與決。吾與若已負不孝。急辦忠輔之火。嗣
昌自殺。當作何優劣。弟親殺妻妾。起茗嶺事。維不成。而
吳淞若雲之間。為不寧者。數歲。同年葛麟亦不負觀。若
思宸則又以失身為振復。與回向不同。

其品最劣... 事人胡... 此無... 胡... 思... 味... 書... 事... 公...